

UMNO - MAHATHIR

KUALA LUMPUR, 27 SEPT (BERNAMA) -- PENTADBIRAN DI NEGARA INI TIDAK BERTENTANGAN DENGAN LUNAS-LUNAS ISLAM DAN MENGAMBILKIRA KEADAAN SEMASA TERMASUK KEADAAN SEPARUH RAKYATNYA BUKAN BERAGAMA ISLAM, KATA DATUK SERI DR MAHATHIR MOHAMAD HARI INI.

PERDANA MENTERI BERKATA BANYAK PERKARA YANG HARAM BAGI UMAT ISLAM TETAPI TIDAK HARAM BAGI ORANG-ORANG BUKAN ISLAM.

+KITA TIDAK BOLEH MEMAKSA MEREKA MENGAMALKAN SURUHAN AGAMA ISLAM. JIKA KITA CUBA BERBUAT DEMIKIAN MEREKA AKAN Mencari JALAN SUPAYA PERCUBAAN KITA TIDAK AKAN BERKESAN,+ KATANYA KETIKA MERASMIKAN PERHIMPUNAN AGUNG KE-36 UMNO DI DEWAN MERDEKA, KOMPLEKS UMNO DI SINI.

DATUK SERI DR MAHATHIR SELAKU PRESIDEN UMNO BERKATA DI SAMPING ITU, PERHUBUNGAN ANTARA UMAT ISLAM DENGAN YANG BUKAN ISLAM AKAN MENJADI BURUK SEHINGGA MUNGKIN BERLAKU PERTELINGKAHAN.

+KITA TIDAK MAHU MENJADI ORANG-ORANG MUNAFIK ATAU HIPOKRIT YANG MEMPAMERKAN KE-ISLAMAN DI NEGERI SENDIRI TETAPI MELAKUKAN MAKSIAT APABILA SAHAJA BERADA DI LUAR NEGERI,+ TEGASNYA. -- LAGI.
1036MST 27 09 85

UMNO - MAHATHIR 2 KUALA LUMPUR

DALAM UCAPAN DASAR SETEBAL 113 HALAMAN YANG BERTEMAKAN +MASYARAKAT DAN NASIONALISME+, DATUK SERI DR. MAHATHIR BERKATA, +KITA TIDAK MAHU MEMPERKATAKAN SESUATU TETAPI MELAKUKAN YANG LAIN.+
+NAMA ISLAM SUDAH BANYAK TERCEMAR, BAHKAN ORANG ISLAM DIKETAWAKAN KERANA PERBUATAN SEKUMPULAN ORNAG HIPOKRIT DARIPADA KALANGAN ORANG ISLAM SENDIRI.+

PRESIDEN UMNO ITU MENEGASKAN BAHAWA UMNO TIDAK MAHU MENJADI HIPOKRIT, TIDAK MAHU MEMBUAT TAFSIRAN YANG LEBIH KETAT DARIPADA SURUHAN ISLAM DAN SELEPAS ITU MELAKUKAN PERKARA-PERKARA YANG BERTENTANGAN DENGAN TAFSIRAN YANG DILAUNG-LAUNGAN.

KATANYA, DALAM USAHA MENGAMAL DAN MENGEMBANGKAN SYIAR ISLAM, KELONGGARAN YANG DIBERI OLEH AGAMA ISLAM DIGUNAKAN, SEKIRANYA PERLU, DAN IA BERMANFAAT KEPADA UMAT ISLAM DALAM JANGKA PANJANG.

+OLEH ITU KITA BERMULA DENGAN PENERAPAN NILAI-NILAI ISLAM DALAM PENTADBIRAN,+ KATANYA. -- LAGI.
1038MST 27 09 85

UMNO - MAHATHIR 3 KUALA LUMPUR

+JIKA KITA BERJAYA MENENTUKAN YANG KERAJAAN KITA INI BERSIH, CEKAP, BERAMANAH, TERTIB, RAJIN, SOPAN, BERDISIPLIN, BERTANGGUNGJAWAB, DAN MENJUNJUNG TINGGI NILAI-NILAI LAIN YANG MULIA BAGI SETIAP UMAT BERTAQWA, INSYA-ALLAH SYIAR ISLAM AKAN BERKEMBANG DAN KITA SEMUA AKAN MEMPEROLEHI KEBAHAGIAN DI DUNIA DAN DI AKHIRAT.+

DATUK SERI DR. MAHATHIR BERKATA SEBAB ITULAH KERAJAAN MENITIKBERATKAN PENERAPAN NILAI-NILAI ISLAM DALAM PENTADBIRANNYA.

+RUPA BENTUK YANG KONONNYA ISLAM TIDAK MEMBERI MAKNA SEHINGGA NILAI-NILAI YANG SAYA SEBUTKAN ITU DIAMALKAN,+ KATANYA.

PERDANA MENTERI BERKATA BAHAWA +KITA TIDAK MAHU BERMUSUH DENGAN MEREKA YANG MENGANGGAP RUPA BENTUK ISLAM ITU PENTING TETAPI JANGANLAH MEREKA PULA MENGANGGAP ORANG YANG TIDAK MENGUTAMAKAN RUPA BENTUK SEBAGAI KURANG ISLAM.+

YANG PENTING IALAH JIKA ADA PERBEZAAN PENDAPAT DALAM ISLAM, TERIMALAH HAKIKATNYA TETAPI JANGANLAH BERPECAH-BELAH KERANANYA.-- LAGI
1049MST 27 09 85

UMNO - MAHATHIR 4 KUALA LUMPUR

MENGENAI DEMOKRASI BERPARLIMEN DAN RAJA BERPERLEMBAGAAN, PERDANA MENTERI BERKATA +KITA PILIH SISTEM RAJA BERPERLEMBAGAAN DAN TIDAK SISTEM PEMERINTAHAN REPUBLIK DAN PRESIDEN KERANA WAKTU KITA BERJUANG UNTUK KEMERDEKAAN, UMUMNYA RAJA-RAJA TELAH MEMBERI KERJASAMA DAN SOKONGAN KEPADA GERAKAN NASIONALISME.+

RAJA-RAJA TIDAK MEMBERI HALANGAN YANG TERLALU KUAT SEPERTI YANG BERLAKU DI INDONESIA DAN INDIA. JUSTERU ITU, TIDAK ADA SEBAB MENGAPA +KITA PATUT MEMILIH SISTEM REPUBLIK DENGAN PRESIDEN SEBAGAI KETUA NEGARA.+

SELAIN ITU, SISTEM DEMOKRASI BERPARLIMEN DAN RAJA BERPERLEMBAGAAN BERMAKNA PEMERINTAHAN DIAMANAHKAN KEPADA RAKYAT. RAJA MENJADI SIMBOL PERTADBIRAN SUPAYA TAAT-SETIA RAKYAT KEPADA NEGARA DITUJUKAN KEPADA SIMBOL KEDAULATAN NEGARA.

+TETAPI, PENTADBIRAN NEGARA YANG SEBENARNYA DITENTUKAN OLEH RAKYAT MELALUI PILIHANRAYA YANG BEBAS.+

OLEH KERANA RAJA TIDAK TERBABIT DENGAN PENTADBIRAN DAN TIDAK TERIKAT DENGAN MANA-MANA PARTI POLITIK, MAKA KESETIAAN RAKYAT TIDAK BERBELAH-BAHAGI. RAKYAT TIDAK DIPENGARUHI OLEH FAHAMAN POLITIK ATAU IDEOLOGI DALAM MENCURAHKAN KESETIAAN MEREKA KEPADA NEGARA DAN RAJA YANG MENJADI SIMBOLNYA. -- LAGI

1047MST 27 09 85

D788

U B858 DEB

UMNO - MAHATHIR 5 KUALA LUMPUR

+MALANGNYA, WALAUPUN SISTEM INI BERJALAN DENGAN BAIK DAN AHLI-AHLI POLITIK TIDAK CUBA MEMBABITKAN RAJA-RAJA, TETAPI SEKARANG INI ADA PIHAK YANG LAIN YANG INGIN MENGGUNAKAN KEDUDUKAN RAJA-RAJA DEMI KEPENTINGAN PERIBADI MASING-MASING,+ TEGASNYA.

+OLEH KERANA KERAJAAN MENGHORMATI RAJA-RAJA DAN PERLEMBAGAAN MELINDUNGI MEREKA, MAKA ORANG-ORANG YANG BERKEPENTINGAN INI BERPENDAPAT BAHAWA DENGAN MEMBABITKAN RAJA-RAJA DALAM KEGIATAN PERIBADI MEREKA, MAKA MEREKA JUGA AKAN DILINDUNGI OLEH UNDANG-UNDANG, BAHKAN MEREKA DAPAT MEMBELAKANGKAN SEGALA DASAR DAN MATLAMAT KERAJAAN YANG DIPILIH OLEH RAKYAT.

+MEREKA MEMBUAT RANCANGAN-RANCANGAN PERNIAGAAN YANG MEMIKAT HATI RAJA-RAJA DAN CUBA MENDAPAT PENYERTAAN RAJA-RAJA DALAM PERNIAGAAN MEREKA.

+MEREKA BUKAN SAHAJA BERHARAP AKAN DAPAT MEMPENGARUHI PIHAK BERKUASA DENGAN CARA INI, TETAPI MEREKA BOLEH BERSAING DENGAN JAYANYA DENGAN PENGUSAHA-PENGUSAHA LAIN, TERUTAMANYA PARA PENGUSAHA BUMIPUTERA.+

DATUK SERI DR. MAHATHIR BERKATA TIDAK DAPAT TIDAK, KEGIATAN INI MENCEMAR NAMA BAIK RAJA-RAJA DI KALANGAN RAKYAT. TIDAK DAPAT TIDAK, JIKA KEGIATAN INI BERTERUSAN, PANDANGAN RAKYAT TERHADAP RAJA-RAJA AKAN MENJADI BURUK DAN AKHIRNYA RAKYAT AKAN MEMPERSOALKAN SISTEM RAJA BERPERLEMBAGAAN.-- LAGI

1104MST 27 09 85

UMNO - MAHATHIR 6 KUALA LUMPUR

PERDANA MENTERI MEMBERITAHU PARA PERWAKILAN BAHAWA KERAJAAN TELAH MENCUBA MERAHSIAKAN KEGIATAN INI UNTUK MENJAGA NAMA BAIK RAJA-RAJA, TETAPI SEDIKIT SEBANYAK KEGIATAN-KEGIATAN MENGGUNAKAN PENGARUH RAJA-RAJA SUDAH SAMPAI KEPADA TELINGA RAKYAT.

+SEBELUM PANDANGAN RAKYAT MENJADI BURUK, SAYA INGIN MENASIHATKAN, BAHKAN MEMBERI AMARAN KEPADA GOLONGAN YANG MENCUBA MEMPERALATKAN RAJA-RAJA UNTUK KEPENTINGAN PERNIAGAAN MEREKA SUPAYA MEMBERHENTIKAN KEGIATAN INI.

+KITA TIDAK MAHU SISTEM RAJA BERPERLEMBAGAAN DISOAL OLEH RAKYAT. KITA, UMNO KHUSUSNYA, MENJUNJUNG SISTEM INI DAN KITA TIDAK MAHU SITEM INI DIANCAM DAN DICABAR SEMATA-MATA KERANA KEPENTINGAN ORANG-ORNG YANG TAMAK.+

DATUK SERI DR. MAHATHIR MEMBERI AMARAN BAHAWA SESIAPA YANG DIDAPATI CUBA BERBUAT DEMIKIAN AKAN DIMASUKKAN KE DALAM +SENARAI HITAM+ DAN SEGALA URUSAN PERNIAGAANNYA YANG MEMBABITKAN KERAJAAN, AKAN DIPANDANG SERONG DAN TIDAK AKAN MENDAPAT LAYANAN.

+KEGIATAN MEREKA JUGA AKAN DIDEDAH SUPAYA RAKYAT TAHU SIAPAKAH YANG MENCUBA MEMBURUK-BURUKKAN SISTEM RAJA BERPERLEMBAGAAN,+ KATANYA.

-- LAGI.

1122MST 27 09 85

UMNO - MAHATHIR 7 KUALA LUMPUR

MENGENAI EKONOMI, PERDANA MENTERI BERKATA SEBAGAI SEBUAH NEGARA YANG BERGANTUNG KEPADA PERDAGANGAN DENGAN DUNIA LUAR, TIDAK DAPAT TIDAK MALAYSIA MERASAI KESAN KEMEROSOTAN EKONOMI DUNIA.

+KITA PERLU BERJIMAT-CERMAT DAN MENGAWASI SEGALA PERBELANJAAN. PEMBANGUNAN NEGARA TIDAK LAGI BOLEH DILAKSANAKAN DENGAN PESAT SEPERTI DAHULU, PROJEK DAN SUBSIDI TERPAKSA DIKURANGKAN.+

+TETAPI RAMAI YANG BERTANYA, MENGAPAKAH KITA MEMBINA JAMBATAN DAN JALAN-JALAN RAYA? TIDAK DAPATKAH KITA MENANGGUHKAN PROJEK-PROJEK INI?

PERDANA MENTERI MENJELASKAN BAHAWA PROJEK-PROJEK YANG KONTRAKNYA TELAH DIBERI ATAU KERJA-KERJANYA TELAH BERMULA, TERPAKSA DITERUSKAN. JIKA DIBATALKAN, MAKA BAYARAN PAMPASAN YANG TINGGI TERPAKSA DIBAYAR KEPADA PIHAK-PIHAK BERKENAAN YANG BERMAKNA KERUGIAN TANPA HASIL.

+HASIL PENGURUSAN KEWANGAN NEGARA YANG LEBIH BERHATI-HATI IALAH KEDUDUKAN KEWANGAN KITA MENJADI LEBIH SIHAT BERBANDING DENGAN KEDUDUKAN KEWANGAN HAMPIR SEMUA NEGARA MEMBANGUN DI RANTAU INI BAHKAN DI DUNIA.+ -- LAGI.

1126MST 27 09 85

UMNO - MAHATHIR 8 KUALA LUMPUR

BELIAU MENEGASKAN BAHAWA PEMULIHAN EKONOMI NEGARA TIDAK BERGANTUNG KEPADA KERAJAAN SAHAJA. SEMUA PIHAK, SAMA ADA MAJIKAN ATAU PEKERJA BERGAJI, JUGA BERTANGGUNGJAWAB.

+JERITAN DAN PEKIKAN PEKERJA DAN ANALISIS PAKAR-PAKAR PADA SEMINAR-SEMINAR DAN BENGKEL-BENGKEL TIDAK AKAN MEMBAWA KEBAIKAN APA-APA SELAGI KITA SEMUA TIDAK BERSIKAP BERTANGGUNGJAWAB DAN BERUSAHA MENINGKATKAN PRODUKTIVITI.+

PERDANA MENTERI BERKATA DALAM KEADAAN EKONOMI SEKARANG, RAKYAT PATUT SANGGUP BERKORBAN SEDIKIT SUPAYA BAYARAN HUTANG TIDAK MENINGKAT DENGAN BEGITU PESAT SEHINGGA BAKINYA TIDAK CUKUP UNTUK PERBELANJAAN PENGURUSAN.

+MALANGNYA, ADA UGUTAN PEMIMPIN KESATUAN KAKITANGAN KERAJAAN BAHAWA JIKA TUNTUTAN MEREKA TIDAK DILAYAN, MAKA MEREKA AKAN MOGOK.

+APAKAH DENGAN MENGADAKAN MOGOK INI, KITA AKAN MENDAPAT HASIL YANG BANYAK UNTUK MEMBAYAR GAJI TAMBAHAN? -- LAGI

1141MST 27 09 85

D796

U 8863 DEB

UMNO - MAHATHIR 9 KUALA LUMPUR

+TENTULAH JELAS BAHAWA MOGOK INI AKAN MEROSAKKAN EKONOMI NEGARA DAN MENGURANGKAN HASIL KERAJAAN. KEGIATAN PERNIAGAAN AKAN TERGENDALA DAN PARA PELABUR, DARI DALAM DAN LUAR NEGERI, AKAN BERASA TAKUT HENDAK MELABUR.

+KERAJAAN BUKAN SAHAJA BERTANGGUNGJAWAB KEPADA KAKITANGANNYA TETAPI KEPADA RAKYAT KESELURUHANNYA.

+SEHINGGA KINI, KEMELESETAN EKONOMI MENYEBABKAN BERIBU-RIBU PEKERJA SWASTA MENGANGGUR. RAMAI YANG TIDAK DAPAT BEKERJA LAGI DI NEGARA JIRAN, KERANA DI SANA JUGA KEMEROSOTAN EKONOMI MENYEBABKAN PEKERJA ASING DAN TEMPATAN KEHILANGAN PEKERJAAN.

+SEBALIKNYA, TIDAK SEORANG PUN KAKITANGAN KERAJAAN TELAH DIBUANG KERJA KERANA KEMELESATAN EKONOMI.

+SEBENARNYA, SEBAHAGIAN MEREKA TELAH MENDAPAT KENAIKAN GAJI SEHINGGA 12 PERATUS IAITU LEBIH SEBULAN GAJI DALAM SATU TAHUN. ADA JUGA YANG TELAH DINAIKKAN GRED DAN ELAUN MEREKA.

+APAKAH KERAJAAN PERLU MELAYANI KAKITANGANNYA SAHAJA TANPA MENGAMBILKIRA RAKYAT YANG LAIN?+ -- LAGI

1145MST 27 09 85

UMNO - MAHATHIR 10 KUALA LUMPUR .

+SAYA AMAT DUKACITA KERANA MEREKA YANG BERNASIB BAIKLAH YANG BERCADANG MENGANCAM KESTABILAN NEGARA DAN MUNGKIN JUGA PERIUK NASI ORANG LAIN,+ TEGASNYA.

+KITA TAHU BAHAWA KITA AKAN MENGADAKAN PILIHANRAYA TIDAK LAMA LAGI DAN KITA MEMERLUKAN SEBERAPA BANYAK SOKONGAN YANG BOLEH.

+TETAPI, KERAJAAN BARISAN NASIONAL TIDAK SANGGUP MENJADIKAN MALAYSIA NEGARA YANG BANKRAP SEMATA-MATA KERANA MAHU MEMANCING UNDI. KITA AKAN MENGHADAPI CABARAN DAN UGUTAN DENGAN PENDIRIAN YANG TEGAS.+

TAWARAN KENAIKAN GAJI YANG KITA PERSETUJUI SUDAH PUN MENJEJASKAN KEDUDUKAN KEWANGAN NEGARA. KITA TIDAK SANGGUP MENGGADAI NEGARA KERANA TAKUT KEHILANGAN KERUSI.

DATUK SERI DR. MAHATHIR BERKATA BELIAU SEDAR BUKAN SEMUA PEKERJA KERAJAAN YANG INGIN MENGAMBIL TINDAKAN MOGOK. YANG BERMINAT IALAH PARA PEMIMPIN KESATUAN SEKERJA YANG BERCITA-CITA BESAR. -- BERNAMA